

饒平縣志卷之九

潁川劉抃纂修

孝義

生我鞠我怙恃之恩罔極和樂且耽鶻鴂之誼藹然蓋愛敬之良百行莫先焉事親孝可移於君事兄順可移于長雖爲善于家克之而橫天地塞四海矣志孝義

宋都統張達邑之漸山人景炎間帝爲元兵所逐至泉州遇滿壽庚之叛登舟入海駐驛紅螺山下

饒平縣志

卷之九

孝義

一

南 灣
地 名

達與駙馬陳植都部頭馬驥輸粟餉軍復率義勇護驛厓山之變達與陸秀夫等俱死焉

明王隆字宗道天性凝重孝友夙成年十六時父彰爲刑部郎死於大同貶所萬里歸櫬就喪盡禮母痛父不欲隆學舉業隆日夜苦讀業成而母不知領天順三年鄉薦授徐州學正秩滿棄官歸孝養愈至居鄉十餘年民無競者

李方南洋人少孤事母至孝出入雖至近必告業漁擇其美者供母餘鬻諸市不貳價成化甲辰

颶發海潮滔天水突入方室方奉母避之不及
遂抱母以死收其屍母子相抱如生不可解邑
令張濬聞之給衣棺以殮上其事於監司不報
吳耀字孟經蘇灣南洋人天性孝友信義早著事
母愛敬有加母終哀毀骨立又能克恭厥兄愛
洽羣弟合家六十餘口同爨五十餘年非義弗
取凡所入悉付公用盜嘗夜入其室行竊以去
至數日後潛送還云家訓嚴肅務在敦本業遵
古道次子瑛領宏治辛酉鄉薦任京山知縣耀

寄書惟以清慎相勗瑛奉父訓惟謹能其官

楊東昇字時晦隆眼城都人天性孝友少孤貧力
學凶吉以禮比壯餼於邑庠七試於鄉不遇遂
棄去爲大館師以訓邑之子弟督學魏莊渠深
愛之造就二弟成立居三十餘年無間言年四
十餘無子後娶生一子人稱爲道德所貽

陳應賓大埕人邑庠生性孝友年二十三遭家疾
疫親疏咸畏避應賓侍父繼芳調湯不解帶者
累月父卒殮以禮哀毀骨立兄嫂相繼以病或

勸之去曰天分不可逃也湯藥不輟兄嫂歿賔亦病二守劉秉鑑間而獎之至賔已卒矣人嘉其義而痛其不孝

陳淵下岱人性孝友年十六喪父家貧事母周氏篤謹母疾憂不食母食乃食撫育二幼弟成立分產受其早瘠者後二弟亡淵撫仲之子夔季之子隱如己子年六十尚勤胝服勞處鄉黨和易人偶有失物必拾以還有爭鬪者一言卽解可以驗其素孚於人矣

李瑛性

居椽曹有儒者風歷事留考

日招中援舜典青災肆赦怙終賊刑之以議獄吏部奇之置上第家貧甚及官平和幕獲俸置產均分二弟不私其子焉

吳同赦下湾人性敦厚事親至孝平居動不踰則父謙約處士不命之坐不敢坐雖老不易嘗曰愛親者不敢惡於人敬親者不敢慢於人自少至老未嘗有惡言加人

陳民則大埕人嘉靖末倭寇掠大埕民則走入復

壁其庶弟民儀被擄賊二哨爭不平欲殺之民則出謂賊曰此我弟願俱擄我去各分一哨乞勿殺賊乃各擄一人以去其弟還免於害

黃夙興字國達號哨雪鴻埕人生而壯偉性孝友醇樸舉家謹然無間佃儻疏財見人困乏施與無吝又喜與賢豪長者遊仲弟河清業儒有無相通勸勉敦至故其仲竟以儒起焉

黃允德號雪松邑之鴻埕人性方嚴不容人過里中人稍有嬉嫚者輒相詫曰黃細公來蓋德行

二晚自稱細公也有膽力善運槩隣惡少爲盜嘗率十餘徒夜至德家德乘高刺之中二人賊爲吐舌避去後莫敢窺德里者嘉靖末倭陷大城德時避難城中率衆巷戰被擄年已七十餘矣語同擄者曰吾老矣生平是何等人安能作此曹俎上肉也遂自縊死後以孫琮錦貴累贈大夫如其官

許大權隆眼城都後溝人家世業儒旁窺律數隆慶間蘇灣賊首朱良寶聞其名計刦入幕誘脇

備至終不爲動慷慨自盡賊義之厚殮以歸後以子時謙貴贈文林郎敕有云盜泉不飲秉烈夫之節白刃可蹈高義士之風時人榮之

黃夙盛號若山鴻埕人爲人篤實醇厚孝友尤著兵火之後家徒四壁樂施濟家貧每半其入別貯以給貧乏晚年益廣人或謝之盛曰鄉黨義有相周豈爲惠也後以子貴贈尚書

吳循忍下湾人邑庠生庚申年倭賊掠下湾攜循忍母去循忍捍至里門泣告曰母老不能行乞

以身代攜循忍去

周文翰大埕人邑庠生辛酉倭陷大城父周政被擄厚索無以應後賊移營欲攜以去文翰挺身乞代曰君輩不過欲銀豈有子往而父不贖之理賊許代父歸

李阿五柘林人父病癰將死或言得生人骨可愈五自斫一指磨水以進遂愈

李尚靖上湾人敦厚孝義兄弟三人父分產兄得闔不愜意尚靖以闔易之後兄債負重疊捐已

貲及已田代輸家患疫弟及婦淪亡人皆避之
尚靖自爲殯殮如禮嘗獨行見家人竊其粟潛
步歸家人感媿請罪尚靖曰後勿如此遭歲饑
佃所晒塩悉委以自鬻糊口其他素行多稱是

國朝

謝運開中饒人性篤孝父邑庠生王表苦學嬰病
運開晨夕侍衣不解帶十有三年如一日庚午
秋寇至時父沒未葬身衛父柩不忍去寇感嘆
釋之創祀田供歲事不匱延師課子弟併廩鄰

饒平縣志

卷之九

孝義

六

子弟之貧而窘于束脩者與同塾還江耀遺金
五十兩讓劉沛腴田十三畝歲造橋濟徒涉者
三乙酉海氛告警謀族衆築堡置守禦器計捐
田十五畝金五十有奇甲午紅頭之亂賴以全
活者甚衆仲叔弟及長子家昌俱邑庠生仲子
元瀛登戊戌進士仕浙之石門縣有患政賢父
兄成之也康熙二年奉前督學侯批准府縣詳
祀鄉賢

黃偉球字玉左邑庠生元歌人少有孝行母呂氏

疾篤割股啗之多延年紀祝令贈其扁曰孺慕
動天

林應元明經林夢鱗之子自成童卽以能孝稱因
父病篤割股啗之血流遍地令家惶懼獨能處
之安安諸友擬聞其事於縣哀求寢息不喜沽
名尤爲難覯

楊周若宣化人生員楊百壽子也壽爲弟報仇冤
未雪死若痛悼徧控當事卒置仇于法誅之遂
閉戶讀書年二十四拔府試第一遊邑庠值黃

海如作亂澄邑被其毒凡慕義來貸者毫無靳
予被擄者贈金以贖被殺者施棺以殮甲申後
海寇猖狂若與從姪朝斗出家藏募敢死士禦
之鄉里獲安子朝暉邑庠生

陳孟壯宣化人性狷介雖至貧分毫不苟取一日
往黃岡買米負歸量之多一斗黃離壯家二十
餘里壯不憚遠送還之與人渡灣砍柴風阻不
得歸衆竊田間番薯食之壯爲不義餓數日其
生平操行皆如此

翁文斗號元極元歌都人爲人敦孝友樂施與年
專延師訓督子姪外人有來讀者束膳皆代肩
之戊子歲大饑捐穀一百石賑與鄉親縣有扁
旌獎一次居賔筵之位邑人製錦稱觴子士傑
士會士珙俱庠生孫厠邑痒不一其人壽七十
八

邱鍾秀號復是邑學生爲人克孝克友父有時發
怒秀跪地下勸解必候怒息始起每黎明隨伯
兄到父寢所問其安否其進膳也皆已先嘗始

獻未嘗一語觸犯慈顏而又善誘後進邑中明
經子衿多出其門惜數奇僅餼于庠壽五十有
五長嗣瓊戊午副榜充貢次祖堯邑庠生

詹元尊中饒朴幼好學孝友有聲嘉靖間徵爲迪
功佐郎未幾棄官歸時張璉作亂尊避寇邑中
鄉族間待舉火者六十餘家病爲購藥死者買
棺殮之子平江德行優著三舉鄉賔

楊茂樟宣化人性純美有儒者風鄉里爭鬪者聞
樟言卽自悔解每置產必略嗟曰彼先有田地

莊汝濟號樂清宣化人也性醇謹好書尤篤耆
岐家學中年出以問世治輒効上自當事下至
窮簷造請者殆無虛日汝濟亦無分晝夜風雨
寒暑道里遠近咸赴焉其療貧者心益切以故
人無貴賤莫不感悅尤喜持危振厄癸巳間潮
鎮亂四鎮合兵討之江鎮某至得汝濟知其能
醫善禮之及事平與俘馘婦稚十一人汝濟心
知無辜訪其家悉還之後兩粵開府盧潮駐將
軍王咸重汝濟凡地方利害兵廝約束汝濟亦

時爲公言然未嘗自矜人亦不知其所自開府
盧延至肇郡歸贈橐裝五十金道經惠州遇鬻
妻者卽傾囊與之他如焚券救獄施藥施棺諸
感其德者或至焚香供祝而汝濟年八十餘敦
善不怠古所稱長厚君子者殆其人歟孫峻興
幼能文亦知醫頗克紹祖德云

吳夢龍字禹社信寧都仙村人父乘六遭亂早逝
母蘇氏苦志貞守夢龍侍奉至孝魁梧好學裕
經濟才爲當道器重以母多病不求仕時逢遷

隱逸

梧桐所棲離離高崗之鳳苗藿不食皎皎空谷之駒用則爲虎潛亦稱龍樂考槃之碩人志伐檀之君子置邱壑中誰曰不宜志隱逸

明崔士風字邦定董山人雲峯其別號也家貧力學不嗜華利與人無毫髮之競喜吟咏有詩云老來短褐堪寒雪惟願春風早世間又云雪峯以外慵翹日一味山芹老主人樂天憂世之志往往如此嘗結南洋諸老爲社著山林閑集二十

四孝詩藏于家倭亂散失無存

薛亶字崇文先世詔安人少孤貧天性孝友喜讀書不治產業携妻子入潮十居于東洲遂家焉羈旅蕭然手不釋卷與人恂恂言笑不苟人重之附籍于饒二子雍元俱有父風雍領鄉薦第三事在本傳亶人潮三十年足不一至城市嘗著清野集三卷人呼爲清野翁云

周濂字吉甫性倜儻學有淵源督學趙公稱饒庠才子耽嗜山水每植奇花異卉徜徉自適應例

貢不樂仕進優游名勝以自怡悅尤喜獎進後輩一時英賢如張侍御輩皆出其門高雅之操遠邇共仰

陸寶號我朝元歌都人生而醇謹好善力學以數奇九試不利設館聚徒受業者幾半邑雖盛暑必危衣冠門人不敢內顧仰視造就成名者衆有子三長正貢生仲祺廩生季宸箴壬午科舉人任知縣 贈父如其官孫應瑄捷進士諸孫餽庠濟濟人以爲嚴師之報云

黃秀川元歌都處士理學黃勉齋第七子建饒之孫爲人好善樂施德行寬厚如構學延師建祠築橋周貧乏捨醫藥施棺木鄉族戴德爲之製錦以壽焉子孫濟濟皆有文名或副車或歲薦或太學或庠生不能悉載八十六卒

呂廷會號振川元歌都人爲人敦行誼樂周恤詩書教子登賢書者應珙應璜諸孫成名者衆舊友網菴黃宗伯深器重之鄉居足跡未嘗及郡邑爲盜刼掠詣營訊知賊叱衆中夜護回享壽

八十有八

柯廷慎號敏予元歌都人誠樸仁厚喜施予置產
價必滿售者之願不與較年間發穀遇價賤時
始糶價貴卽不糶糶必期其盡賒者無弗與不
問其還值歲將暮查親朋借貸艱于償者無論
多寡火其券嘗買李金目子田五畝後李貧不
能支慎并券還之俾耕食以終天年兩舉邑賔
邑人製錦亦積善致也子國楹瑋文邑明經諸
孫餼庠濟濟

黃巨林大埕人生平樂善好施篤孝友族眾皆宗
奉之嘗途中捨遺銀拾兩坐守道旁俟失主至
詢與相符交還之又年饑一人盜割其稻見林
駭奔林婉詞喚回仍多割與之迨病將終命其
子將人貸券盡火于房且誠日後母得問孫尚
霖曾孫大猷一庠生一國學生

流寓

嶺南漲海唐宋間多爲逐臣所謫居自明迄今乃稱士宦善地騷人墨士往往接跡至潮卽次懷資無或旅處而號咷者獨饒崇崗峻嶺過客落落若晨星間有遊踪所涉永建乃家亦足見山川秀起煙嵐瘴銷矣志流寓

宋梅州尉陳亞先徽州婺源人宋孝宗時任梅州尉護師海上因寓下岱居焉

郡馬吳翁保宋理宗時自漸山來寓下灣

饒平縣志

卷之九

流寓

十三

教授陳齋忘其名自晉江縣來寓江浦鎮後移

居大港磁窰

武經郎陳堦字候經號康齋龍溪人唐將軍元光二十四代孫學士圭之弟也從叔祖玉潤郡馬勤王至厓山宋亡與張世傑斷維而出以六艦泊于梅嶺港志求立趙氏後爲恢復計因楊太后崩元人索宋師未降者急甚乃逃匿九侯岩卒葬其地

張知府

忘其名或曰孟祥

閩縣人仕爲福惠二郡守自南

臺來寓上底住雙頭崗上洪武十四年有墾田
自馬頭至灣港今沒於沙

通判鄭勵閩縣人仕惠州通判洪武二十四年自

南臺來與張同寓上底住港頭上埔

學士湯

失其名

自漳州來寓柘林少松吳繼澄祖

寅者洪武二十四年有祭外考學士湯公文

韋選號雪苑江南無錫人性豪邁工詩書法遒勁

其遨遊天下每得錢輒與賢豪歡飲醉後則放

歌自適雖囊橐蕭然泊如也癸亥歲來饒凡饒

之山川景物多所題咏後去而復來者三戊辰
冬卒于饒所著有歷遊草若干卷饒士人知其
詩者咸悼惜之

列女

乾龍之剛坤馬之正皆正氣所流形也皇甫之妻
懸頭夏侯之女截耳當與睢陽齒常山舌竝著奇
烈載在彤管良足多矣饒禮教未泯笄流淑質多
有逢變伏節誓死靡他者是巾幗而鬚眉矣志烈
女

宋陳壁娘都統張達之妻景炎時達赴紅螺江護蹕
壁娘送至洲上而回後復作平元曲一篇寄之
云三年消息無鴻便咫尺憑誰寄春怨何不將

我張郎西協義維舟同虎帳無術平寇報明主
恨身不是奇男子倘妾當年未嫁夫願學明妃
獻西魯元人未知肯我許吾能絲竹又能舞幾
回聞難幾欲死未審三郎能再覩宋亡達死氏
得達屍葬之不食卒

明陳氏東界人解元員外陳珖孫女也母潘氏十年
孀居正淑無間天子表之氏有母之姿嫁於邑
學生許光太太卒氏年二十四唯一女哀痛之
餘念舅姑在強起視息孝聲丕著

楊氏秋溪

海今隸

處士陳確軒妻也二十四而亡所

天自經者屢以捄得免時垂白之姑在堂呱呱之子在抱家徒壁立奉姑維謹薪米之需一出於織紉外氏憐其荼苦欲奪其志拔刃厲聲曰所不卽死者爲老姑及二塊肉在耳若相迫吾血染汝衣矣事遂止時海寇猖獗遠近鄉多受其害至暘山寨則曰此陳節婦鄉也不敢犯而去一方賴以全

陳女蘇灣山頭子人己卯秋海寇何八破其鄉殺

饒平縣志

卷之九

列女

十六

戮甚衆女時將及笄隨繼母避之已出里門母顧之日柰何獨遺布絮耶女重違母意往取被執踞地罵之聲淚俱下賊露刃挾以行遇柱堅抱不去亂刀之下血流蔽地猶不絕口遂死柱下厥明姑至抱之哭鮮血猶從鼻迸出混混不休

陳二娘年二十歸唐閔爲妻鄉賊張阿賀掠至元鍾欲污之罵口奴輩安得如此遂赴水賊憐其貌救之起罵不止至以刃相向曰爾不過分我

屍耳安得辱我遂遇害

張氏上底陳應魁妻二十四孀居撫遺孤嘉賓長聚吳氏女未幾嘉亦死生二男婦姑相依終焉稱一門雙節云

余氏黃岡人大埕陳勳梧妻勳梧贅居外家夭歿氏昇夫歸殮朝夕哭奠以禮閨閫內只二幼婢績紉以自贍有言及改志事者輒碎一器曰此心有移者如此器

呂氏儒士錢廷懋之妻也年二十霜居撫幼孤恭

先誓不再醮其父呂思正數奪志不從及恭先夫婦歿歿氏年四十矣自痛無後矢志益堅思正陰圖改適於余姓者至稱翁壻氏覺恚甚自經卒

黃氏呂之婦錢恭先妻也其夫夭歿氏二十二哀號四日夜決志殉之不受衰服有勸之嫁者曰狗行何以見夫子於地下勉之守則曰既無子矣何守爲遂絕食自經死鄉人聞其事兵憲胡公扁其家曰節烈齊芳

陳女黃岡人陳懋女年將及笄戊午冬倭陷黃岡
堡躡之女被執欲污不從罵聲不絕遂被害

鄭女黃岡人邑庠生以興女也笄而未字戊午之
難婦女被繫纍纍如貫女度終不免先賊未入
其家竄身於井死之

周氏大埕周涂六女倭陷大城所女從父避城中
被掠義不受辱遂遇害

張氏上底人南山洪文學有執之妻也被賊擄遇
樹手攀之不去賊砍其手復以身緣之賊并碎

其屍

井洲女子忘其姓氏辛酉冬十一月八日夜半倭
陷井洲皆民罹鋒刃者数千婦女纍纍繫兵間
黎明執女刃挾以行哭罵之遇墻首觸以鼻速
斃倭初不忍殺至觸益力聲益烈乃斷其腰棄
之而去時里嫗有伏莽中者目其狀明日行至
其家述之甚詳

陳女南洋人邑庠生陳思鳴女也戊午冬倭破南
洋思鳴挈妻黃及女避之倭得思鳴與女黃脫

去思鳴盡與倭金龔脫女與已也倭釋思鳴繫
其女思鳴奪之倭殺思鳴女堅抱父屍不去遂
併殺之

陳悅娘秋溪都

海今隸
陽

陳亨季女也幼許嫁莊家未

婚而莊卒誓守終身媒妁百計不移嘗自縊父
母不敢奪其志居處常依祖母祖母歿女時年
已四十茹素獨居至死不變

陳正娘上底文學陳明舉女年十五許聘詔安沈
國梁或言其家貧甚繼母欲悔之明舉遊學在

外未知也女言於母曰貧窮女命也吾聞諸父
曰婦人從一而終既已許之更之不義母怒笞
之遂赴井死

許氏生員黃祚齡妻年二十二祚齡卒氏矢不二
適未亡人數十年奉姑嫜始終不懈有勸之持
齋禮佛者曰我堂上佛有两尊違事黃面老子
乎舅姑卒哀毀骨立两臺以事聞奉旨建坊旌
節孝時崇正十二年也子應朝兵部員外贈父
如其官氏對宜人

陳氏生員余英之妻舉人教諭大期之姊也年十四英死無嗣家故窘勤儉事姑晷無怠色夫兄鐫弟墓石不及陳氏泣曰我余家婦也死當同穴請鐫之誓不二數年夫之兄亦死無嗣陳畢力營葬衰麻慟哭弔者感之平居不踰閭闔守舊產爲夫家祭需

吳氏宣化都葉逢陽之妻漳浦人也年二十夫隨舅被逮之京道亡無嗣霜居五十餘年嚴如一日成育二女雖老言及涕泣累日壽七十有八

以夫兄子溥爲繼舉春秋魁爲當時名吏吳氏成之

鄒氏柘林湯珽妻梅浦鄒邦常女也年十九珽亡姑憐其少微示以他適意泣曰婦分當與夫偕亡止以翁姑在故不忍耳姑不復敢言霜居十年行甚肅一日父疾篤歸省舟過黃芒溝颺作知不免斂衣起拜曰此天所以終吾事也三日屍浮如生鄉人陳理爲立傳

許氏詔安許潛女大埕陳德家婦也十七歸陳閱

歲夫亡矢不再醮事舅姑至孝教子繼芳爲儒
年七十終

岳氏大埕宦家女下湾吳重嘉妻也十九歸吳未
一載夫亡遺腹一子勵志撫孤始終一德年七
十三人無訾議

楊氏海陽人大埕生員陳文玳妻也年二十一與
夫歸外家玳病卒遺孤三月祖母憐之誘以冉
適氏憤激觸柱幾死良久復蘇扶柩歸夫家事
姑以孝謹聞子應霜稱諸生年四十八終督學

蔡可泉聞之扁以正節

林氏廣西憲長林功懋女上底陳蓋妻也蓋爲石
岡陳公季子早卒氏痛欲自經家人嚴衛之遂
不食死死之日饋膳嫗啓其櫃蔬菜狼藉其中
乃知饋膳時狎受之而實棄之也年二十五
劉氏儒士張重任之妻也年十八夫亡遺孕後生
一女配邑生員翁士珙父母勸嫁堅節不從善
事姑嫜鄉人稱賢壽九十四歲

國朝梁氏副榜之鼎女會魁猶龍同懷妹也配邑庠

陸大宜二十二歲而孀遺嗣二長甫四歲次僅
匝月氏催裂將自裁其舅明經陸正與夫叔宸
箴夫弟應瑄以翁老樹孤勉氏忍死課二子成
立時饒邑多故氏貧甚十指供菽水歡及舅姑
壘親治灰土邑有孝聲生荼集蓼言不踰閫今
次男贈衣克體母志勉事詩書已進黌庠矣其
長嗣亦不幸早逝媳何氏甘同矢志冰霜自
鄉人稱之爲一門雙節孝云

黃細娘適詹門年十八夫亡未子遺腹三月後產

饒平縣志

卷之九

列女

二十二

男孀守撫養今年八十

詹氏帶娘生員詹恒占女也適貢生柯壬馨次男
志聯孝於舅嫜以順爲正產一男一女夫早逝
氏方二十二歲泣血撫孤經縊救回足不出門
矢志無他男女皆氏苦心養育族人稱焉

黃氏細娘貢生黃十瑞之姊字於詹二十三歲夫
逝氏哀痛骨立孀守撫孤壽已七餘親朋呈縣
經給扁旌其家子衍肇監生孫永琳永琳俱庠
生

徐氏配夫巫姑性嚚氏晨昏奉事維謹及姑病卧周年衣不解帶姑怒卽赴床前跪息方起及終哀毀盡禮

楊開娘邑庠生楊良宏之女也遇寇義不受辱罵賊自刎年方一十六歲

黃氏生員黃善養女也適生員詹養元之第七子事舅姑以孝聞勸夫勤學至脫簪珥不惜年二十三夫死遺孤二氏矢志苦節晝夜辟纊以供菽水訓誨二子咸得成立次見賢邑庠生

黃氏二娘邑糧田鄉人也適夫劉峻閣年二十有二未育遂失所天堅志孀守氏兄弟欲奪其志氏聞之謂未亡人誓無二心引刀欲刎妯娌解慰始息夫弟感其節烈祝天曰願早產男爲嫂嗣未幾果得猶子入繼氏雖食艱茹苦安之如飴幸而嗣子爲若長成所娶之媳亦係黃氏天性純孝其事姑也嚏咳謹膳羞備姑終殯殮盡禮族人稱賢相傳爲節孝夔美孫之膺爲揭庠生亦天報也

邱氏大娘邑內人配夫劉 產一子年三十失
偶氏紡績營生携子孀守逮子名琦成人娶婦
陳氏于歸一十六月年終十七產一男甫十日
遂與姑同寡陳氏痛絕數次幸蘇姑以數日孤
雛未卜成立兼家計蕭條日食難支微言諷氏
別圖氏揮淚跪訴姑前曰妾夫不幸不能終養
所恃朝夕相依者妾耳妾何面目忍背姑以負
地下人幸無復言嗣是勤女紅供菽水撫孤兒
歷艱四十年有如一曰族人嘉其節孝請縣扁

旌獎扁曰姑媳節孝不期子鹿金又夭折姑媳
哀痛大過姑遂得病而逝棺殮喪祭皆氏肩之
姑子連亡幸有一孫有原年已成丁朝夕相依
柰陳氏積病亦遂告殞三世一綫百折不回闔
邑憐而稱之

李氏監生吳宗龍之妻善事公姑每進膳于姑皆
氏親自調獻不假婢手姑病篤氏口爲嘗溺睦
妯娌恤臧獲族人有急者不時皆藉以舉火鄉
黨稱有賢德焉子應運應輔應第皆庠生

熊大娘上饒熊欽吾女適邑人林君慧慧母病風
氏侍湯藥不離床側者凡七年至妯娌中或偶
觸姑怒氏必跪解俟姑意釋始起族里以孝稱
子可坪邑庠生

余氏大娘適夫黃呈玉年二十四而喪所天痛絕
者屢以二老在堂二子方在襁抱堅心孀守流
離靡他克孝克慈內外無間言長子世奇邑庠
生

翁氏三娘邑庠生翁士珙之妹也適夫邱奉資年

二十三而寡初喪天日絕粒數天氣絕復蘇因
矢志孀居堅正自勵撫一男一女婚嫁皆肩之
今其子文蘭爲邑庠生亦苦節報也

林氏適生員詹天顏長子六飛姑黃氏病篤割股
以進奉侍湯藥數月不倦族里以孝稱

劉氏生員詹上達妻年二十二夫死氏苦節自矢
事姑勤菽水祈寒盛暑晝夜不倦撫遺孤雖堪
愛必嚴於義方長子成正邑庠生

黃氏元歌人生員黃瑞鯤女適冠帶鄉廩詹名區

第六子事姑孝姑病氏侍湯藥五晝夜不瞑目
焚香祝天願以身代年二十八夫死氏痛悼欲
自刎姑泣謂曰若三孤何遂冰操自凜勤儉訓
子鄉里稱其節孝

劉大娘宣化劉樹三之女也適里人楊公白白死
家貧甚堂有老姑父母憐大娘欲嫁之大娘峻
拒遂典衣飾爲夫立嗣子蓬頭跣足拮据養姑
不繼則自餓鄉里感其節孝好義者給粟助之
楊三娘宣化楊周若之妹也適生員吳振玉弟年

二十二夫死遺孤喬瑾甫三歲家道窘乏三娘
勤苦自矢奉舅姑育孤兒歷十餘年瑾長爲娶
媳陳氏無子妾李氏娠數月瑾亡李氏產男天
沐中間盜賊遷斥經變不一姑媳母子四命相
依人稱一門三節天沐邑庠生

張氏旬娘黃岡人配廩監楊周榕第三男爲婦產
男三女一歲廿五卽喪所天時值斥地流離播
遷幾難自保氏獨毀容泣血甘心孀守以撫孤
幼雖百折而不回焉今第三男楊邦偉遊本色

庠生

氏娘子姑大港楊拔唐之女配黃岡許晉若爲妻年廿四夫卒舅嫜老兒女幼且時 遷斥流離瑣尾人皆朝不保夕爲氏謀者咸謂他適便氏獨勵志孀守上事二老下撫孤幼歷變至常而能不渝其操冰節洵足風云

楊氏珠娘澄海人適東界下灣吳景岳爲妻岳卒氏年一十八歲遺孤僅十月家無立錫氏矢志孀守事姑盡孝伊父給氏歸寧欲奪其志氏涕

饒平縣志

卷之九

列女

二十七

泣不從隨回針工養姑以孝聞後姑亾求乞殯葬長育遺孤以繼宗祧鄉人嘉其苦節

林氏恬娘東界上里人生員林際芳之女適神前劉興文爲妻年廿六喪夫後二載翁亦繼亾氏刻苦養姑胼手胝足毫無怨言哭夫致病六年死鄰里流涕不休

楊氏淑娘東界大港人生員楊朝斗女也適黃岡生員余射虹三子余啟 爲婦夫卒氏年二十二姑 甫週歲所遺田畝盡虛跛衣食不

朝

子不貳其志鄉里咸之

信寧

乘安乘讀書好義值寇亂散

護衛閭里賊忌之計襲致死蘇氏截

毀面免於難孝奉姑鄭氏朝夕罔懈訓子夢龍

才爲當時推重不幸夢龍卒蘇氏晚年

湯藥曲盡婦道人以爲

得善報云享十有三請縣給匾表其門曰

節孝雙旌孫又子邑庠生文俊文侯俱太學生